

AL – MISK AL - JANNAH

1. Mi yettoyi Allah he dow Islaamu,
He sunnatu mi silminii salaamu.
2. He dow Nulaado gaddudo sunnaaji,
Ngam keboyen mbaɗen ɗi pittirlaaji.
3. Mi silmini Sahaabo en he aalu,
He ben fu yaakoyiibe faamu ahlu.
4. Nde woni yimre al-misk al-jannah,
Zamaa nde yimre yeedinoore sunnah.
5. Zamaa nde yimre nyifrunde bi'aaku,
Kallungu luundoyii ngu sunninkaa ku.
6. Nde wallifaama ngam no sunna yeedine,
Nde wallifaama ngam no julbe mbidane.
7. He fiiji laatiɗi yo karminaadi,
Di yankiraadi haa kazaa ganyaadi.
8. He fiiji laatiɗi yo dagnoyaaɗi,
Zamaa fa ɗin fiiji yo feeshinaadi.
9. Yimre nde'e ko inni fuu bidi'aaku,
Tii noroyee kofol yo sunninkaaku.
10. Nde yimre bo wanginayde tafiilaaku,
He dow ko luuroyaa he dow adilaaku.